



Qeveria e Republikës së Maqedonisë së Veriut
- KRYEMINISTRI -

E nderuar ministre Shekerinska,

Në zgjedhjet parlamentare që janë mbajtur më 15 korrik të vitit 2020, qytetarët e Republikës së Maqedonisë së Veriut zgjedhën që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanak në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive brenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës “ministër“ gjendet shërbimi, kujdesi dhe ndihma për qytetarët. Ju, si ministre, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t’u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që agjendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t’i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t’i pranoj dhe t’i kuptoj të gjitha idetë dhe iniciativat që vijnë nga opinioni publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna e juaj çdo ditë do të ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sinqertë se sa Ju. Vetëm kështu është e drejtë dhe e ndershme para



Qeveria e Republikës së Maqedonisë së Veriut
- KRYEMINISTRI -

fjalës që ua kemi dhënë qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime kadrovike. Analizën metodologjike të realizimit të detyrave dhe punës suaj të përgjithshme do ta bëjmë çdo fundvit.

Duke ju nominuar juve për ministre në Kuvendin e Republikës së Maqedonisë së Veriut, isha i bindur se mund të llogaris në përgjegjësinë dhe përkushtimin tuaj të plotë në kryerjen e detyrave. Pikërisht për këtë, pres rezultate të menjëhershme. Qytetarët kanë pritje, ndërsa Ju jeni në pozicion që të bëni gjithçka që është e nevojshme që Qeveria të realizojë pritjet e qytetarëve.

Anëtarësimi në NATO është suksesi ynë më i madh shtetëror. E realizuam ëndrrën e themeluesve të shtetit të pavarur maqedonas. Këtë nuk e shoh si fund, por si fillim i një kapitulli të ri në historinë e vendit tonë. Çështja e mbijetesës është temë e mbyllur, ndërsa stabiliteti, zhvillimi dhe ardhmëria e vendit mbeten prioritet. Mbrojtja na jep mundësi dhe forcë të jemi më ambicioz dhe më të fuqishëm në sferat e ekonomisë, udhëheqjes së mirë dhe shtetit të së drejtës.

Pres që me politika të qëndrueshme dhe përcjellëse bazuar në produktivitetin e rezultateve të deritanishme, së bashku me Qeverinë e Republikës së Maqedonisë së Veriut t'i vazhdojë reformat e suksesshme në sektorin e mbrojtjes.

Më konkretisht, si ministre e mbrojtjes, pres nga Ju:

- Të vendosni sistem të qëndrueshëm të mbrojtjes dhe së bashku të vazhdojmë me financim stabil dhe arritje të 2% të PBB-së për buxhetin e mbrojtjes deri në vitin 2024, me rritje vjetore për 0,2% nga PBB;
- Në pjesën e dokumenteve strategjike, të fokusoheni në Planin për qëllime mbrojtëse i cili i definon planet tona zhvillimore dhe aktivitetet në përputhje me procesin e planifikimit për mbrojtje të NATO-s (NATO defence planning process);
- Në bashkëpunim me Qeverinë, të mundësoni rritje të mëtejshme të pagave, por edhe rritje të gatishmërisë luftarake dhe ndërveprimin e Armatës;
- Të zbatoni Planin për pajisje dhe modernizim të Armatës;

Letër mandati për ministren e mbrojtjes
3 shtator 2020



Qeveria e Republikës së Maqedonisë së Veriut
- KRYEMINISTRI -

- Së bashku të vazhdojmë me investime në modernizimin e poligonit të Armatës “Krivollak”. Ky poligon është resurs vendor i NATO-s, por do të kontribuojë edhe në përforcimin e ekonomisë lokale dhe nacionale;
- Nga Ju pres të kyçeni veçanërisht në luftën me llojet e ndryshme të kërcënimeve kibernetike. Informacionet dhe lajmet e rrejshme, si dhe komunikimet dhe marrëdhëniet me publikun bëhen çështje për siguri me prioritet më të lartë. Kemi përvojë dhe njohje që mund ta ofrojmë dhe ta mbindërtojmë: Qendrën rajonale për marrëdhënie me publikun, në kuadër të Ministrisë së Mbrojtjes, si NATO qendër e akredituar për trajnim dhe edukim, së bashku ta zhvillojmë si Qendër rajonale për luftë kundër dezinformatave dhe lajmeve të rrejshme për nevojat e krahut jugor të NATO-s;
- Së bashku të vazhdojmë në përmirësimin dhe ripërtërimin e infrastrukturës së objekteve ushtarake, si dhe me renovimin e objekteve të vjetra dhe ndërtimin e objekteve të reja me zbatimin e resurseve të ripërtërishme të energjisë. Prioritet i jonë do të jenë rikonstruksionet e kazermës Ilinden, Komanda e SEEBRIG, Akademia Ushtarake, si dhe rrjeti i kanalizimit të ujit në Kazermën në Shtip;
- Në kuadër të Ministrisë së Mbrojtjes të formoni Qendër për Mbështetje të kompanive vendore që gjatë pjesëmarrjes së tenderëve të NATO-s. Qëllimi ynë do të jetë që në vitin e parë të anëtarësimit në NATO të sigurojmë komunikim të plotë mes odave tona dhe agjencive relevante të NATO-s;
- Qeveria do të vazhdojë ta potencojë rëndësinë dhe rolin e diplomacisë preventive, parandalimin e konflikteve dhe aktivitete humanitare. Armata jonë të vazhdojë me pjesëmarrje në operacionet ndërkombëtare të paqes dhe misionëve civile;
- Të zbatoni edhe aktivitete tjera në përputhje me angazhimet dhe Programin e Qeverisë së Republikës së Maqedonisë së Veriut 2020-2024.

Njëkohësisht si ministre e mbrojtjes në Qeverinë e Republikës së Maqedonisë së Veriut, nga Ju pres:

- Të jeni gardiani i parë i Kushtetutës dhe ligjeve dhe të siguroni që Ministria e Mbrojtjes të përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet do të zbatohen njëjtë për të gjithë;



Qeveria e Republikës së Maqedonisë së Veriut
- KRYEMINISTRI -

- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;
- Të siguroni që Ministria e Mbrojtjes të përgjigjet në kohë, në mënyrë të drejtë, efikase dhe efektive të zgjidh çështjet dhe procedurat e qytetarëve dhe personave juridik, duke justifikuar dhe duke fituar besimin e qytetarëve dhe të opinionit publik;
- Të vazhdoni zbatimin dhe përmirësimin e politikave të transparencës dhe llogaridhënies;
- Të jeni i hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;
- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat, shëndet dhe mandat të suksesshëm.

Sinqerisht i juaji,
Zoran ZAEV



Qeveria e Republikës së Maqedonisë së Veriut
- KRYEMINISTRI -

Ministre e mbrojtjes së Republikës së Maqedonisë së Veriut
Radmilla SHEKERINSKA